

## Diane tsa Setswana le ditlhaloso

Downloaded from [www.mycourses.co.za](http://www.mycourses.co.za)

Seane	Tlhaloso
A a bewe (mafoko)	Fa motho a latolela mmui wa mafoko (gongwe ka kgakgamalo) gore ga go ka ke ga nna ka tsela eo a buang gore go tla nna ka gona
A bo o bolaya o bo o bipa ka sekopa	Monna go sotla ka mosadi wa gagwe, a mo gagamatse
A borwa (mafoko) a bolelwa go engwe ka dinao	Morongwa o lere molaetsa ka potlako mme a se ka a botsolotswe dipotso go mo dia
A di swe di re roborobo 'kgomo tsa bogwe diphologolo.	Le ka moso!
A dikala di kgaoganye le ditshukudu?	Fa ditsala tse di neng di utlwana mo go sa solofelwang ke bangwe gore di ka kgaogana, di kgaogane
A diphālana tse re kileng ra ne re di letsa!	Mogodi go ikutlwela botlhoko, a ikgopotsa mo malobeng fa a ne a sa ntse a kgona go ja mokařana
A diphologolo di atlanegela batsongwana batsomi ba sajoile!	
Bana ba kgori monokana o sele, tshika fa e ya baneng e a kgaogana	Losika lo a kgaogana fa lo ntse lo ata go ya pele
Bana ba motho ba kgaogana tlhogwana ya tsie	Bana ba motho ba kgaogana sengwe le sengwe le fa se ka nna sennyne jang
Bana ba Tshipa ba tsaya mmila o le mongwe	Gantsi bana ba batho ba tshwana ka mokgwa

Bana mamphorwana maatlhamela babolai	Bana ga ba na molato
Banna ga ba na thwadi ba bonwe ke mmamariga	Monna ga a ke a rwala thoto jaaka mosadi a tsholela bana.
Banna matshootshoo ba tshosana ka marota	Go le gontsi ponagalo ya motho e a tsietsa
Bodiba ba go ja (bo jeleng) ngwana wa ga mmaago, (e re o feta ka bona o) bo sikologe	Fa sengwe se se bosula se ka diragalela wa gaeno o ka se rate gore le wena se go diragalele
Bontle bo na le dibebebetšhane	Fa o ka ya le bontle jwa ka fa ntle o ka tsielega
Borwa bo phintse	Go le tsididi (maruru)
Bosigo ga bo rone nta	Ditiro tsa mo lefifing ga di nke di siama
Botlhale jwa phala bo tswa phalaneng	Ngwana/Yo monnye a ka gakolola mogolo
Di fula mo melelwaneng	Kotsi e gaufi le go direga
Dilo makwati, di tsewa mo go ba bangwe	Motho o tsaya malebela mo bathong ba bangwe
Dintlennyane ke tsa ga motlapele, dibe ke tsa ga mosalamorago	Dintlennyane ke tsa ga motlapele, dibe ke tsa ga mosalamorago
Di sa kopaneng ke dithaba	Le fa o ka iphitlala motho ko befelong le tile go kopana
E e mašwi ga e itswale	Ga se gantsi ngwana a gotsa batsadi ba gagwe
E re go gopola (bona) tshukudu o ikanye setlhare	E re o ntse o gopotse motho (kgotsa o bua ka ene) a bo a potologa(mmapisetsa) (tlhagelela)

E se re go e buela lengopeng, magakabe a go lebile	ga a o dira sengwe o ithaya gore o iphitlhile, go a be go nale yo o go boneng
E tla re re re ke dipitse re di bone ka mebala	Go bona go gaisa go bolelelwa
'Fifing go tshwaranwa (goganwa) ka dikobo	Batho ba le mo tlalelong ba thusana ka go ipopa ngatana e le nngwe
'Foko la kgosi le agelwa mosako	Fa molao o beilwe, mang le mang o a o tlhokomela/obamela
Ga e ke e gangwa ka mogogorwana namane e le teng	Motho ga a tshwanela go buelwa a le teng
Gaabo motho go thebe-phatswa	Motho o mogolo kwa ga bona
Jwa pitse (Bojang) ke jo bo mo mpeng, jo bo mo ganong e swa e bo hupile/jo bo ko ntle e swa e bo lebile	-Sa motho ke se a nang naso, se a iseng a se fitlhele ga ise e nne sa gagwe.
Ka tlhagolela mookana ya re o gola wa ntlhaba	O ka godisa ngwana ka dithata tsa gago, ya re a se na go gola a go direla bosula
Ke makgabe a dipapetla a logilwe ke ngwanyana a sa itse go otlha	(Se ke itse e le leele [Maele a Setswana]: Go nna makgabe a dipapetla =go itlhaganela)
Ke moleti-moja-natso	Fa o senya yona tiro e o thapetsweng go e dira
Kgaka e ntsho e fofa, mebala re e bona e sule	Ditiro tse di molemo tsa motho di lemogwa fa a sule
Kgakakgolo ga ke na mebala, mebala e dikgakaneng	Motsadi o tlhokomela bana thata ke ka moo re tshwanetseng go lebelela bontle jwa gagwe mo baneng
Kgetsi(e) ya tsie e kgonwa ka go tshwaraganelwa	Batho ba dira tiro botoka fa ba e dira ba e kopanetse

Kgomo mogobeng e wetswa ke namane	Mmaagwe ngwana o tsena mathateng ka ntlha ya ngwana.
Kgomo ya bogwe e tlhaba ka lenaka lo iname (e lo okile)	Fa motho a direla ba bogwegadi o dira ka bojotlhe
Kgosi ke kgosi ka malata	Motho ke motho ka batho ba bangwe
Kgosi thipa e sega molotsi	Fa o laela moeteledipele go thatafaletsa bngwe molao, le wena o tla atlholwa ka ona
Kgosi thothobolo e olela matlakala	Moeteledipele o rwala maikarabelo a balatedi ba gagwe
Khudu ya mariga e itsiwe ke mmei	Motho fa a beile selo ke ene a itseng kwa ke teng
Khutsana e sa sweng e letile monono	Fa motho a humanegile o ka nna a huma morago
Korwe ga ke je, ke bapalela tseetse	Motsadi ka metlha o gopola bana.
Le fa o ka e buela lengopeng magakabe a e bona	Fa motho a dirsengwe a ithaya a re o iphitlhile, mongwe o a mmona.
Le pelong (lefoko) ga le tshetshe	
Leaka le moloro mobe e a re le lorile nku le lale le e jele	
Lebelo ga le na motlogapele	Ga se gore fa le simollotse segwe mmogo le tla fitlhella seo le se batlang ka nako e le nosi
Leeba le letonanyana kunkuru ga le e rutane le le le namagadi mmokong	
Lefatshe fatoga ke tsene	go tlhajwa ke ditlhong

Lefoko ga le boe go boa monwana	Mafoko a kgopisa le go sa lebalege go gaisa go kgotlhwa ka monwana kgotsa ntwana
Lefufa le kile la apeelwa le lejwe, lejwe la butswa lona la sala	lefufa ga le fele mo bathong
Leitlho le le lengwe le tshabelelwa ke difatshi	Gantsi ngwana yo o tsholwang a le esi mo lapeng o atisa go tlhagelwa ke mathata
Lemphorwana la bojalwa ga le fofe	Letagwa ga le na tswelelopele
Lepotlapotla le ja podi (pholwana), modikologa o ja kgomo ya tona	Gantsi go molemo go ipha nako fa o dira tiro gore e tle e nne ntle. Go pataganya mediro motho o feleletsana sa wetse epe ya tsone sentle. Go direla sengwe ka bonako go a senya
Leselo nkgokgothe, seupi ke kgomaretse	Gantsi go nna le ditshupo tse di tshwarang motho fa a itatola selo sa gagwe
Letlametlo ga le ke le lela fela, le a bo le utlwile a magolo	Fa motho a bua sengwe o a be a utlwile mo go ba bagolo
Lore lo ojwa lo sa le metsi	ngwana o rutwa molao bonnyeng
Mabogo dinku a thebana	Batho ba dira tiro botoka fa ba e kopanetse
Mafatlha a nku a itsiwe ke moegami	Motho o thaloganya tiro e a e dirang ka metlha botoka
Mafoko a kgotla a mantle otlhe	
Mafura a ngwana ke go rongwa	Ga se tshiamo go duelela ngwana thomo. Ngwana o tshwanetse go itumedisa batsadi ka go dira ditiro tse a di romiwng kwa ntle ga ngongorego kgotsa tuelo
Magogwe o belaela lemepe	Go dumela sengwe kgotsa thulaganyo o ntse o belaela
Malata a ithuna a ile kgonnye	

Malope mphe thite, mogola o na le dinyeka	Go itshimololela tiro go botoka go na le go newa ya batho ba bangwe
Maropeng go a boelwa go sa boelweng ke teng	Kwa o kileng wa tsholwa sentle go bonolo go boela
Maru a se nang tladi malebatsa	Selo se se iseng se ke se tlhagise kotsi se lebatsa batho
Maru ga se pula mosi ke ona molelo	Mafoko ga se ditiro mme ditiro ke tsone tse di buwang
Matlho ke diala ga a je sa motho	
MayÔ le maboÔ ga a itsewe	Tse di tla diragalang ga di itsiwe
Ena yo o itirileng tsala ya gago, ke ene yo o go tlanogelang a bo a ja le dira tsa gago.	
Mhinyana o a swa, selepe se sale	Leina le ditiro tsa motho di sala di itsege ena a setse a ile
Mmangwana o tshwara thipa ka bogaleng	Motsadi o tla nna a buelela ngwana wa gagwe le ntswa a le phoso
MmitsantŠwa ga a tshole thupa	Fa o batla sengwe o tshwanetse go ikokobetsa
Mosadi ke tshwene o jewa mabogo, monna Tau o jewa marota	Ga se gore motho fa a le montlentle, le mekgwa ya gagwe e ntse fela jalo
Moja morago ke kgosi.	
Montsamaisa bosigo ke moleboga bo sele	Fa o atlegile mo botshelong o leboge ba ba go thusitseng fa o ne o le mo mathateng
Mookodi wa pula o beelediwa ntlheng tsotlhe	Botshelo bo lekwa ka maano otlhe.

Moremogolo go betlwa wa taola, wa motho o a ipetla	Motho ke ene fela a kgonang go ipaakanya makoa a gagwe
Moroto o o esi ga o ele	Motho a le esi a ka se kgona go dira tiro e e bonagalang(Motho ke motho ka batho ba bangwe)
Mosadi fa a inama o a be a ikantse motlokolo	Motho ga a dira sengwe o a be a inkantse se sengwe.
Motho ga a itsewe e se naga.	Le fa motho a ka iponatsha a siame ga o kake wa itse maikaelelo a gagwe
Motshega kgarebe ke monyadi wa yona	Motho yo a nyatsang selo a ka tsoga a se dira
Ngwana ntae ke go lae tlhogoputswa ga se molao	Mogolo a ka ithuta sengwe go tswa mo ngwananeng. Ga se gore fa ele mogolo o tla nna a nepile.
Ngwana yo a sa le leng, o swela tharing	Motho yo a sa tlhagiseng mathata a gagwe ga a kitla a bona thuso.
Ngwana yo o tlhogo kgolo o sira rragwe	Ngwana yo o se nang maitseo o palela motsadi wa gagwe.
Nna o nkgokgotha leselo seupe ke go kgomaretse	
O se bone nong go rakalala godimo, go ya tlase ke ga yone	Motho le fa a ka nna le madi kgotsa botshelo jo bontle jang kgotsa jang, go ya tlase ga gagwe go tla tswa mo go reng o itshotse jang le gore o tshotse batho bangwe jang teng godimo koo.
O se bone thola borethe, teng ga yone go a baba	Ga se gore motho fa a le montlente, le mekgwa ya gagwe e ntse fela jalo
O se tshege yo o o(we)leng, mareledi a sa le pele	Se ka wa re fa o bona mongwe a tlhagetswe ke tsietsi wa sotla ka ena, e ka re ka moso wa tsoga o wetswe ke bomadimabe mme wa tlhoka kutlwelobotlhoko

O tshega-tshega di ja mme, e tla re di ja mmago, wa lela	O se tshege yo o leng mo dipharagobeng ka gonne ka moso e tlabo e le wena.
Phiri e sola bobowa mokgwa ga e o latlhe	Motho ga a nke a latlha mekgwa ya gagwe
Phiri o rile ga bo se gangwe	Motho fa a kgobokantse o a ipeela, a naganele ka moso
Phokojwe ga a ke a latlha moselese e le wa yona	Motho ga a nke a latlha mekgwa ya gagwe
Phokoje go tshela yo o dithetsenyana	Motho go tshela yo o botlhale
Pinyana fa e re ping, e a bo e utlwile tse di kgolo	Ngwana fa a bua sengwe o a bo a utlwile mo go ba bagolo
Seboba re bata sa mokwatla, sa mpa re a mpampetsa	O ka itshwarela mo ga eno go na le motswakwa
bodu se lekwa ka legano, sa nko se latsa le naga.e	Mathata(kgotlang) e rarabololwa ka go bua eseng go ngalelana.
Sedikwa/ setshswarwa ke ntš(w)a-pedi ga se thata	Tiro ga e nke e pala fa e tlhakanetswe (tlhakanelwa)
Sekukuni se bonwa ke sebatladi	Fa motho a dira sengwe a ithaya a re o iphitlhile, mongwe o a mmona.
Setoto (setopo) se bitsa manong	Kwa kgora e leng teng, batho ba nna bantsi
Setopo re supa sa nakedi, magogwe re mmega a sule	Legodu le tshwarwang ka merwalo.
Seyabogwe se tletse, se boa se tletse	Fa o se ngame kgotsa fa o thusa ba bangwe ka dilo tsa gago, le bona ba tla go tshola ka mokgwa oo



Susu o ilela suswane, gore suswane a tle a mo ilele	Fa o le kwa godimo ka maemo, o tswanetse go rekegela ba ba botlana mo go wena
Tadi e amusa	Motshegare o mogolo (Sethoboloko)
Thupa go fedile ya dikgomo, ga sala ya batho	Bana ba tshwanetse go aga ba kgalemelwa, ba sa lomelediwe.
Tau e iphutha metlhala e le nosi e na le bana (malawana) mafaratlhatlha	
Tau e se na(ng) seboka e siiwa ke none e tlhotsa	Fa batho ba se seoposengwe ba ka se kgone tiro
Tau ga e ke e ja ngwana e sa mo tsala	Motho yo a se nang kamano le wena, ga se gantsi a ka go direla molemo
Tedutshweu ga se botsofe	Setshwano sa motho se na le go go tsietsa
Thebe ya sebedu ke leleme	Motlapa o itshereletsa ka go bua thata.
Thotana e se nang khudutlou, bolobete ba ipha naga	Batho gantsi ba itaola fa moeteledipele a se yo
Thubisi ga e bonwe, e bonwa ke motsogapele	Selo sa botlhokwa se a phakelelwa, se tseelwe matsapa
Thukhwi o rile : "Ke lebelo". Marota a re : "Ke Namile".	Mo botshelong motho a se ka a tshepa gore a ka bo kgona a le esi
Tladi e bogale e sa tswa marung	Botlhoko jwa tiragalo e e masisi bo fokotsega morago ga lebaka
Tlhapi holofela leraga meetse a pshele o a bona	Go botoka go itlwaetsa go dira tiro go sa le gale (mogopolo o sa le moshwa) e se re gongwe wa diega mme o feletse o sa bona se o neng o se batla. / Solofela mathata gonne se o ikantseng sone se ka go tlogela.

Tlhotsa pele ga se swa pele	Go kgorelediwa ke mathata pele ga ba bangwe ga go kae gore ga o ye go atlega
Tloga tloga e tloga kgale, modisa wa dikgomo o tswa natso sakeng	Go dira tiro go santse go le phakela go phala go e dira letsatsi pele ga e tlhokiwa
Tloga tloga e tloga kgale, modisa wa dikgomo o tswa natso sakeng	Go dira tiro go santse go le phakela go phala go e dira letsatsi pele ga e tlhokiwa
Tsala e bolaile tsie	Mogolo tsenngwa mathateng ke ngwana
Tsebe e ya moletlong e sa o lalediwa	Motho o a tle a utlwe mafoko a a sa tshwanelang go a utl
Tsetse e seng eno ke nama	Selo e seng sa gago ga o se rekegele, gantsi o se dirisa fela ka fa o ka kgonang ka teng. Kgomo e tsetse ga e a tshwanelwa go tlhajwa, mme fa e se ya gago o e tlhaba fela o sa e rekegele
Tsela kgopo ga e latse nageng	Gantsi go molemo go ipha nako fa o dira tiro gore e tle e nne ntle. Go pataganya mediro motho o felelets a sa wetse epe ya tsone sentle. Go direla sengwe ka bonako go a senya
Tsetse e seng eno ke nama	Selo e seng sa gago ga o se rekegele, gantsi o se dirisa fela ka fa o ka kgonang ka teng. Kgomo e tsetse ga e a tshwanelwa go tlhajwa, mme fa e se ya gago o e tlhaba fela o sa e rekegele
Tshega e fapogile metsetelo (marago)	Go senyegile
Tshimo ya mosadi sekgwana	mosadi o jwala a tlopela
Tshipo o rile ke lebelo, (marota) motlhaba w(a) re ke namile	Motho le fa a ka dira bobbe mme a re o a siya, o tla bo a nne a tshwarwe la bofelo.
Tsholofelo (ya pelo) ga e tlhabise ditlhong	Motho fa a solofeditse sengwe, kana a itsholofeditse sengwe mme se sa bonale, ga a tlhajwe ke ditlhong.
Tshoswane e kile ya roma tlou	Go ka diragala gore mmotlana a laole mogolo.

Tshukudu e fetang maokana, pounama di botlhoko	Fa motho a lesa se o tlwaetseng go se dira, mokgwa o a bo o le teng
Tshukudu e se nang ngwana e ikisa mokgobong	Motho a se nang ngwana o itirela ditiro ka esi
Tshukudu e tswa sekgweng e tihabilwe	Motho o ntshisiwa boammaruri ke go kokonelwa ke diteteo
Tshukudu kwa gobe e isiwa ke ngwana	Bagolo ba tsenngwa ke ngwana mo mathateng
Tshwene ga e ipone makopo(mariba)	Ga go bonolo go lemoga makoa a gago kgotsa go ipona phoso
Tshwene ga e ke e re ga ke pila	Motho mongwe le mongwe o bona bontle le botswerere ka nako tsothe fa a iteba. Le fa motho a ka tswa a le maswe go le kae, ga a ke a dumela fa a ntse jalo
Tshwene mopalami, mme ga a le bale go wa	Modira-dibe o itse ka lobaka lotlhe fa e tlaa re ka letsatsi lengwe a tshwarwe, ga a le bale go loga maano go itlhokomela gore fa a ka tshwarwa a tle a falole ka mokgwa mongwe
Tshwene o bonye mapalamo mafologo ga a a bona	Motho o bonye fela leano la go dira selo, la go se dirolola ga a a le bona
Tshwenyana e e bowa bo ntlha e a ikilela	Fa o ikitse o le madimabe o tshwanetse go iphapha mo dilong
Tshweu ga di tshwane go tshwana dintsho	Merafe e mesweu e a bo e ntse e eme mmogo fela ka dipaka tsothe, e mentsho yone e a lwantshana
Tsie e boswa seanong	Fa motho a batla go huma o tshwanetse gore a tlhoafale jaanong a ipapalele, a se ka a tlhola a re ka moso
Tsie e fofa ka moswang	Motho o dira sentle ga a jele
Tsie e senya ka bontsi	Gantsi Bogodu bo atlega fa le bodira le le bantsi.

Tsweetswee e roba ditokololo

Fa motho a kopa ka lobaka lo lo leele o feletsa a bone se a sekopang. O ka fitlhela a bone se a se boneng fa yo a mo kopang a feletsa a mo